

## АКАФИСТ НОВОМУЧЕНИКАМ И ИСПОВЕДНИКАМ ЦЕРКВИ РУССКОЙ

Текст утвержден Священным Синодом

Русской Православной Церкви

10 октября 2009 года

(журнал № 95)

Кондак 1

Избрáннии новомученицы и исповѣдницы Россійстии,

свидѣтелие Христóвы, áгнцы новозаклáннии,

крóвию своєю рíзы Цѣркве нáшея украсívшии.

Вы, прещѣний мучítелей не убоя́вшеся,

любóвь к Бóгу дáже до смѣрти яв́или естѣ

и в жízни вѣчной к Немú дерзновѣние стяжáли естѣ.

Тѣмже, предстояще престóлу Вседержítеля,

помина́йте нас, любóвию вас почита́ющих и вопи́ющих:

Рáдуйтеся, новомученицы и исповѣдницы Россійстии, Цѣркве нáшея похвалó и  
украшѣние.

Икос 1

Áнгелов Творѣц и мíра Зиждítель от вѣка предъизбрá вас, я́ко вѣрныя свидѣтели Своя́ в  
земли́ Россійстей, и в годíну тяжких испытáний благодáть и сíлу вам даровá. Вы же, вѣру  
Правослáвную мíру безбóжному яв́ивше, твѣрдым исповѣданием, изгнáнием и терпѣнием  
страдáний, Христá прослáвили естѣ. Сего́ рáди и мы прославля́ем вас сíце:

Рáдуйтеся, измлáда Христá возлюбívшии;

рáдуйтеся, глас Пáстыря Дóбраго послушавшии.

Рáдуйтеся, Цáрства Бóжия внутрь себѣ прísно искáвшии;

рáдуйтеся, крест на рáмо своѣ взѣмшии.

Рáдуйтеся, слáву мíра сего́ отрínувшии;

рáдуйтеся, за Христá страдáния претерпѣвшии.

Рáдуйтеся, любóвѣ рáди Бóжия смерть приѣмшии;

рáдуйтеся, небѣснаго Цáрствия достíгшии.

Рáдуйтеся, новомученицы и исповѣдницы Россійстии, Цѣркве нáшея похвалó и  
украшѣние.

## Кондак 2

Видя отечество наше в бедах и скорбех сущее, святителю отче Тихоне, богоизбранный патриарше земли нашей, призывал еси верная чада Церкви Российской за Христа и веру Православную мужественно стояти. Сам же, по вся дни умирая за паству твою, исповедник непоколебимый явился еси, воспевая Богу: Аллилуия.

## Икос 2

Разумом Божественным просвещаемь, святителю отче Тихоне, Церковь Русскую мудро управил еси, и, безбожных гонители обличая, паству твою подвиги новомучеников почитати призывал еси. Сего ради вопием тебе сие:

Радуйся, первосвятителей Московских благодатный преемниче;

радуйся, Земли Русския великий печальниче.

Радуйся, апостольских преданий усердный хранителю;

радуйся, сокровищ Православныя веры благоговейный блюстителю.

Радуйся, благодать Духа Святаго в сердце присно имевый;

радуйся, разделения церковная любовью врачевавый.

Радуйся, заточение и поругания мужественно претерпевый;

радуйся, крестный путь с паствою твою прошедый.

Радуйтеся, новомученицы и исповедницы Российскойи, Церкви наша похвало и украшение.

## Кондак 3

Силою, данною вам свыше, страстотерпцы славы, царю Николае и царице Александро, царевичю Алексие и царевны Ольго, Татиано, Марие и Анастасие, лишение царства и славы земныя со смирением восприяли есте. Страданием же вольным даже до смерти Христу последовали есте и за убивающия вы молилися есте, вопиюще Богу: Аллилуия.

## Икос 3

Имуще веру несумненну, яко вся от Бога суть, изгнание, поругание и темничное заточение мужественно претерпели есте, царственнии страстотерпцы, и мученических венцев сподобилися есте. Сего ради вопием вам сие:

Радуйтеся, венец и похвало рода царскаго и богоизбраннаго;

радуйтеся, преславныя отрасли корене благочестиваго.

Радуйтеся, царствия земнаго лишение со смирением приемшии;

радуйтеся, страдания вашими Царствия Небеснаго сподобльшиися.

Ра́дуйтеся, за враги своя усёрдно моли́вшиися;

ра́дуйтеся, всем сёрдцем Бо́га взыска́вшии.

Ра́дуйтеся, образ испове́дничества ве́рным лю́дем показáвшии;

ра́дуйтеся, седмочи́сленнии страсотер́пцы, во еди́ном ду́се Бо́гу предста́вшии.

Ра́дуйтеся, новому́ченицы и испове́дницы Росси́йстии, Це́ркве на́шея похвало́ и украше́ние.

Конда́к 4

Бу́рею гоне́ний на Це́рковь Ру́сскую обдержи́ми, святителие Бо́жии, ве́рою и страда́нми му́ченическими благода́ть Христо́ву стяжа́ли есте́ и, кора́бль церко́вный неврежде́нно сохра́нившие, подража́тели пе́рвым му́чеником яви́лися есте́. С ни́ми же на Небесе́х зыва́ете Бо́гу победную́ песнь: Аллилу́ия.

И́кос 4

Ве́дуще глас ева́нгельский, я́ко па́стырь до́брый ду́шу свою́ полага́ет за о́вцы, священному́ченицы до́блии, любве́ ра́ди Христо́вы и па́стыи свое́я изгна́ния, глад, хлад, зной со́лнечный и рабо́ты го́рькия претерпе́ли есте́, сме́ртию му́ченическою жити́е свое́ увенча́вши. Сего́ ра́ди и мы с любóвию прославля́ем вас си́це:

Ра́дуйтеся, залог Христо́в до́бре сохра́нившии;

ра́дуйтеся, жити́ем и сме́ртию о́браз ве́рным показáвшии.

Ра́дуйтеся, же́ртву безкро́вную благоговейне соверша́вшии;

ра́дуйтеся, самéх себе́ в же́ртву живу́ю прине́сшии.

Ра́дуйтеся, Це́ркве Росси́йския сла́во;

ра́дуйтеся, оте́чества на́шего украше́ние.

Ра́дуйтеся, па́стыи ва́шея ко Христу́ путево́дителие;

ра́дуйтеся, догма́тов церко́вных ре́вностнии блюсти́телие.

Ра́дуйтеся, новому́ченицы и испове́дницы Росси́йстии, Це́ркве на́шея похвало́ и украше́ние.

Конда́к 5

Богосве́тлыя зве́зды на не́бе церко́внем яви́лися есте́, священноиспове́дницы Росси́йстии, и, поноше́ния, заточе́ния, изгна́ния и го́рькия рабо́ты претерпе́вши, Го́спода Иису́са Христа́ му́жественне испове́дали есте́. Та́же, благоче́стно в ми́ре поживше, путь ко спасе́нию во тьме безбо́жия яви́ли есте́, науча́юще ве́рныя при́сно благодарственно́ пе́ти Бо́гу: Аллилу́ия.

И́кос 5

Видевше разорение земли Русския и беззаконие велие, опустошившее ю, вы, священноисповедницы славы, страха и смерти не убоились есте и, подвиги исповедничества благоухающе, яко крини сельнии посреде пустыни, процвели есте. Сего ради прославляем вас сие:

Радуйтесь, молитвою теплою сердца ваша в подвиге утверждавши;

радуйтесь, твердым исповеданием веры просиявши.

Радуйтесь, во страданиях терпение и кротость явивши;

радуйтесь, яко агнцы незлобивии посреде волков ходивши.

Радуйтесь, службу Божию во узах совершавши;

радуйтесь, союзники в терпении укреплявши.

Радуйтесь, души ваша за паству полагавши;

радуйтесь, посреде гонений благодатию Божиею хранении.

Радуйтесь, новомученицы и исповедницы Российстии, Церкви наша похвало и украшение.

Кондак 6

Проповедует Церковь Российская подвиги ваша, преподобномученицы достославы, поты трудов и кровию мучений землю нашу освятивши. Вы бо, слезами покаяния души ваша омывше, в жертву живую, благоприятную Господеви, себе предуготовили есте. Ныне же Ему дерзновенно предстоит и зываете победную песнь: Аллилуйя.

Икос 6

Возсия свет Христов в сердцах ваших, преподобномученицы, вы бо, яко воины добропобеднии, молитву во всеоружие приемше, веры правыя никакоже отпали есте и, узы темничныя, мучения тяжкая и работы горькия претерпевше, лютую смерть от безбожных прияли есте. Сего ради прославляем вас сие:

Радуйтесь, путь истиннаго Богопознания нам показавши;

радуйтесь, души ваша за Христа положивши.

Радуйтесь, язвы Господа Иисуса Христа на телесех ваших носивши;

радуйтесь, вся тленная мира сего презревши.

Радуйтесь, любовь Христову к мучителем явивши;

радуйтесь, молитву за ненавидящих вас проливши.

Радуйтесь, велие дерзновение ко Господу стяжавши;

радуйтесь, подвиги постническими и кровию вашею землю Русскую освятивши.

Ра́дуйтеся, новомученицы и исповѣдницы Россійстии, Цѣркве наша́я похвало́ и украше́ние.

#### Конда́к 7

Хотя́ще во дни гонѣний безбо́жных на Цѣрковь Ру́сскую, ве́ру твёрдую и любо́вь ко Го́споду сохра́нити, преподо́бноисповѣдницы честни́и, поноше́ния, заточе́ния, изгна́ния и го́рькия рабо́ты, Христа́ ра́ди претерпе́ли есте́. Та́же, благоче́стно в ми́ре поживше, мно́гим путь ко спасе́нию показа́ли есте́, науча́юще пе́ти Бо́гу побѣдную́ песнь: Аллилу́ия.

#### И́кос 7

Но́вья исповѣдники показа́ вас Госпо́дь, преподо́бнии отцы́ на́ши, егда́ при́де испытати лю́ди Сво́я, вас же, блаже́ннии, обре́те рабы́ бдя́щия, смире́нием и добродѣтельми украше́нныя. Сего́ ра́ди прославля́ем вас си́це:

Ра́дуйтеся, и́го благо́е на ра́мена сво́я взѣмшии;

ра́дуйтеся, по́двиги поста́ и моли́твы просия́вшии.

Ра́дуйтеся, му́жество и кре́пость в страда́ниях яви́вшии;

ра́дуйтеся, исповѣданием ва́шим ве́ру запечатле́вшии.

Ра́дуйтеся, ве́рность Христу́ в жити́и ва́шем сохра́нившии;

ра́дуйтеся, мно́гия лю́ди в ве́ре пра́вей наста́вившии.

Ра́дуйтеся, за́поведей Христо́вых ве́рнии исполните́лие;

ра́дуйтеся, по́двигов новомучеников и́стиннии свидѣтелие.

Ра́дуйтеся, новомученицы и исповѣдницы Россійстии, Цѣркве наша́я похвало́ и украше́ние.

#### Конда́к 8

Стра́нное чу́до ми́ру яви́сте, новомученицы Россійстии, вы бо, во страда́нии кре́пость показа́вше, си́лою Христо́вою безбо́жныя одолѣ́сте и сме́ртию ва́шею воскресѣ́ние Христо́во проповѣда́сте. Ны́не же у престо́ла Бо́жия предстаи́те и воспева́ете побѣдную́ песнь: Аллилу́ия.

#### И́кос 8

Вся кра́сная ми́ра сего́ презре́вше, святѣи новомученицы Россійстии, во след Го́споду крѣстным путе́м послѣдовали есте́ и по за́поведи ева́нгельстей мзду мно́гу на Небесе́х обре́ли есте́. Сего́ ра́ди приими́те от нас похвалы́ сицевы́я:

Ра́дуйтеся, ве́рнии сы́ны Цѣркве Россійския, безбо́жных гоните́лей не убо́явшиися;

ра́дуйтеся, у́зы темни́чныя, труды́ го́рькия и изгна́ния претерпе́вшии.

Ра́дуйтеся, дре́вним мучеником в страда́ниях уподо́бившиися;

ра́дуйтеся, талант, вруче́нный вам Го́сподем, терпе́нием преумно́жившии.

Ра́дуйтеся, блаже́нство изгна́нных пра́вды ра́ди ве́рою дости́гшии;

ра́дуйтеся, кро́вию ва́шею Зе́млю Ру́сскую освяти́вшии.

Ра́дуйтеся, страда́нии ва́шими о́браз ве́рным пода́ющи;

ра́дуйтеся, венцы́ нетле́нные от Христа́ Бо́га прие́мшии.

Ра́дуйтеся, новому́ченицы и испове́дницы Росси́йстии, Це́ркве на́шея похвало́ и украше́ние.

#### Конда́к 9

Вся́ческая страда́ния за Христа́ претерпе́вше, испове́дницы пресла́внии, ве́ру Правосла́вную сохрани́ли есте́ и, терпе́нием гони́тели Це́ркве Ру́сския посрами́вше, благоче́стием в ми́ре возсия́ли есте́. Ны́не же престо́лу Бо́жию предстои́те и воспева́ете хвале́бную песнь: Аллилу́ия.

#### И́кос 9

Ветии́ церко́внии недоумева́ют ка́ко воспети́ вас по досто́йнию, но́вии испове́дницы Це́ркве Ру́сския, вы бо в ско́рбех, изгна́ниях и заточе́ниях, Христа́ и́стиннаго Бо́га просла́вили есте́ и ве́рным путь ко спасе́нию указа́ли есте́. Мы же, прибега́юще к моли́твенному предста́тельству ва́шему, дерза́ем ублажа́ти вас си́це:

Ра́дуйтеся, все упова́ние на Бо́га возложившии;

ра́дуйтеся, по́двиг испове́дничества в терпе́нии соверши́вшии.

Ра́дуйтеся, мучи́телей безбо́жных не убо́явшиися;

ра́дуйтеся, немощны́я в ве́ре укрепившии.

Ра́дуйтеся, рабо́ты го́рькия в сла́дость духо́вную восприе́мшии;

ра́дуйтеся, сердца́ ва́ша Бо́гу в же́ртву прине́сшии.

Ра́дуйтеся, страда́нием ду́ши ва́ша очи́стившии;

ра́дуйтеся, жити́ем святы́м о́браз ве́рным показавшии.

Ра́дуйтеся, новому́ченицы и испове́дницы Росси́йстии, Це́ркве на́шея похвало́ и украше́ние.

#### Конда́к 10

Спаст́и хотя́ Госпо́дь мно́жество жен и дев, во оби́тели ино́ческия т́яя призва́. Во дни же гонений́ безбо́жных му́жескую кре́пость им дарова́, е́же за и́мя Своё́ пострада́ти и терпе́нием мно́гим Ца́рствия Небе́снаго дости́гнути, да я́ко му́дрыя де́вы, в черто́зе бра́чном Христу́ Жениху́ воспева́ют песнь: Аллилу́ия.

## Їкос 10

Стенá и по́мощь благонадéжная бѣсть Богородица вам, святѣя преподóбныя жены, мученицы и исповѣдницы, в скорбех, изгнáниих и úзах пребыва́ющим. Вы бо любóвию и трудѣ лю́дем страждущим, яко Самому́ Сы́ну Ея́, послужите. Тѣмже с благодарѣнием вас ублажа́ем:

Ра́дуйтеся, преподобномученицы, яко а́гницы непорóчныя, за Христа́ заклáнныя;

ра́дуйтеся, преподобноисповѣдницы, яко голуби́цы чѣстыя, сѣтей врага́ избáвльшияся.

Ра́дуйтеся, житѣйская попечѣния во ино́честве отрѣнувшия;

ра́дуйтеся, во страдáниих Христу́, яко миронóсицы, послѣдовавшия.

Ра́дуйтеся, гонѣний жесто́ких и смѣрти лю́тыя не убо́явшияся;

ра́дуйтеся, в мучѣниих благодáтию Бóжиею укрепля́емыя.

Ра́дуйтеся, евангелски, яко Марѣя, благу́ю часть избрáвшия;

ра́дуйтеся, яко Ма́рфа Христу́, б́лжним послужившия.

Ра́дуйтеся, новомученицы и исповѣдницы Россѣйстии, Цѣркве на́шея похвало́ и украшѣние.

## Конда́к 11

Пѣние всеумилѣнное принóсим вам, новомученицы и исповѣдницы Россѣйския, вы бо, благочѣстно в закóне Господни поживша, вѣру Правослáвную сохрани́ли естѣ, и смѣртию мученическою и терпѣнием страдáний за Христа́ гонѣтели Цѣркве Рýсския посрами́ли естѣ. Ны́не же, во Цáрствии Небѣснем ликую́ща, воспева́ете Бóгу побѣдную пѣснь: Аллилу́ия.

## Їкос 11

Свѣтом евангелским просвѣщенныя и за́поведи Господни сохрани́шия, святѣя жены́ и дѣвы, добродѣтельное жити́е во дни гонѣний лю́тых страдáнием вольным увенча́ли естѣ и воистину но́выя мученицы и исповѣдницы явѣлися естѣ. Сего́ ра́ди воспева́ем вас си́це:

Ра́дуйтеся, мученицы, любóвию ко Христу́ страх смѣрти превозмо́гшия;

ра́дуйтеся, исповѣдницы, в страдáниих за Христа́ вѣру и наде́жду соблю́дшия.

Ра́дуйтеся, по́двиги ва́шими А́нгелы возве́селѣвшия;

ра́дуйтеся, немо́щъ естества́ жѣнскаго слóвом Бóжиим препобѣдившия.

Ра́дуйтеся, Христо́вы за́поведи жити́ем и смѣртию испóлнѣвшия;

ра́дуйтеся, мýдрости евангелских дев подража́вшия.

Ра́дуйтеся, мужѣм своѣим в гонѣниих послѣдовавшия;

ра́дуйтеся, ны́не кúпно с ны́ми венцы́ Небéсными увенчáнными.

Ра́дуйтеся, новомúченицы и исповéдницы Россíйстии, Цéркве нáшея похвалó и украшéние.

Кондáк 12

Благодáтное утверждéние Цéркве нáшея íмамы вас, новомúченицы и исповéдницы Россíйстии. Вы бо, сéрдцем вéрующе в правду, усты́ же Гóспода Иису́са Христа́ во спасéние исповéдавшие, заточéния, изгнáния, гóрькия рабóты и смерть претерпéли естé. Ны́не же молíтеся ко Гóсподу о нас, земных срóдницах вáших, да прíсно с вáми поём Бóгу: Аллилúя.

Íкос 12

Пою́ще вáшу небéсную слáву, страсотéрпцы Христóвы, лобызáем я́звы вáша, вы бо, стопáм дрéвних мúченик послéдующе, не уклонíтеся скóрби, ни убо́ястеся темни́цы, гóрькими рабóтами, глáдом и хлáдом изморéни бы́сте и, многовídными мúками умерщвлéями, я́ко áгнцы незлóбивии, вéры рáди пострадáсте и смерть прия́сте. Тёмже приимíте от нас похвалы́ сицевы́я:

Ра́дуйтеся, святíтелие Христóви, дóбре Цéрквь управившии;

ра́дуйтеся, иере́и Бóжии, дúши за пáству полага́вшии.

Ра́дуйтеся, цáрственнии страсотéрпцы, от богобóрных властéй смерть и поругáние приёмшии;

ра́дуйтеся, благовéрнии кня́зие и кня́гини, благочéстие дáже до смéрти соблю́дшии.

Ра́дуйтеся, преподóбнии мúжие, праведное житиé венцём страдáния увенчáвшии;

ра́дуйтеся, преподóбныя жены́, крéпость и мúжество в страдáниях явívшыя.

Ра́дуйтеся, вси правослáвнии христиáне, за предéлами отéчества многоразлíчне пострадáвшии;

ра́дуйтеся, вси вéдомии и невéдомии, Бóгом увенчáннии лю́дие.

Ра́дуйтеся, новомúченицы и исповéдницы Россíйстии, Цéркве нáшея похвалó и украшéние.

Кондáк 13

О, преслáвнии новомúченицы и исповéдницы Россíйстии! Приимíте мáлое сие́ молéние нáше, в похвалú вам ны́не приносíмое, и молíтеся ко Христú Бóгу, да укрепíт в лю́дех дух братолóбия и благочéстия, да утвердíт во Отéчестве нáшем вéру Правослáвную и сподóбит нас кúпно с вáми воспевáти Емú: Аллилúя.

Сей кондáк глагóлется трíжды. И пáки чтéтся 1-й íкос и 1-й кондáк.

Молíтва



О, святїи новомученицы и исповѣдницы Россїйстїи:/ святїтелие и пастырие Цѣркве Христóвы,/ царственнии страсотѣрпцы,/ благовѣрнии князїе и княгїни,/ дóблїи воїни, монаси и мирстїи,/ благочестївии мўжие и жены,/ во всяцем вóзрасте и сослóвии за Христа пострадавшии,/ вѣрность Ему даже до смѣрти свидѣтельствовавшии/ и венѣц жїзни от Него приѣмшии!

Вы во дни гонѣния лютаго,/ зѣмлю нашу от безбóжных постигшаго,/ на судїщах, в заточѣнїих и пропастех земных,/ в гóрьких рабóтах и всяких скóрбных обстоянїих/ óбраз терпѣнїа и непостыднаго упованїа мўжественне явїли естѣ./ Ныне же, в рай слáдости наслаждающеся,/ пред Престо́лом Бóжїим во слáве предстоите/ и прїсно хвалу и ходатайство со А́нгелы и всеми святы́ми Трїеди́ному Бóгу возносите.

Сего́ ра́ди мы, недостóйнии,/ мо́лим вас, святїи срóдницы на́ши:/ не забóдите земна́го отѣчества ва́шего,/ грехóм Каїнова братоубїйства,/ поруганїем святы́нь, безбóжием и на́шими беззакóнїи отягчѣннаго./ Умо́лите Го́спода Сил,/ да утвердїт Цѣрковь Свою́ непоколебїму в мїре сем многмятѣжнем и лукавом;/ да возродїт в Землї на́шей дух братолóбїа и мїра;/ да па́ки бóдем мы царское свящѣнїе,/ род Бóжїй, избранный и святый,/ прїсно с ва́ми сла́вящий Отца́ и Сы́на и Свята́го Ду́ха во вѣки веко́в. Ами́нь.